

中國地方志集成

四川府縣志輯 ④⑥

同治榮昌縣志

同治重修涪州志

巴蜀書社 ● 江蘇古籍出版社 ● 上海書店

中國地方志集成

四川府縣志輯

④6

出版 巴蜀書社

(成都鹽道街三號)

印刷 成都東方福利彩印廠

發行

四川省
新華書店

責任編輯 黃雲生

封面設計 范一辛

(川)新登字〇〇八號

1992年8月第1版 1992年8月第1次印刷

ISBN7-80523-478-7/K·96

增修榮昌縣志序



光緒庚辰冬余奉檄攝榮昌縣事榮昌古昌元鄉昌州彭淵材所稱海棠香國者是也余初試爲令此邦政治風俗胥於邑志是賴而志作於同治初兵燹之餘詎今又二十年矣

制府丁公將修蜀通志討論文獻官符敦趣星流電逝會予將受代以去惴惴焉以不克卒業是懼 謝乾初

榮昌縣志

卷之一

序

一

廣文官斯土久因進而咨之廣文曰是書也昔廖東崖庶常爲之今惟采錄幽佚補苴掇拾備掌故而已其不純不備之憾請留以待後之人可乎余曰善因書其崖畧如此有能廓而張之以一雪不純不備之憾是所望於後之君子

時光緒九年癸未仲秋上浣同知銜署重慶府榮昌縣事候補知縣會稽施學煌秀峯氏序



增修榮昌縣志序

昌元古昌州也爲重慶郡屬邑地處僻左而驛道交馳實當東南之要衝其山川文物之靈輿載於圖牒者悉數之而不能終前聞往見事如積薪昔賢之宰斯邑者天津史公武進許公先後創修志乘其秉筆之難難於闢賊憑陵之後

榮昌縣志

卷之一

序

二

咸豐間滇匪加以蹂躪人民城郭漸即彫殘故家大族收藏書籍等諸秦火同治四年賴文晉三大令謝乾初廣文慨然念前志之荒畧博採遺文軼事都爲二十有二卷目凡四十有八誠信史也迄光緒七年廢而不修者垂二十年矣前任施秀峰大令奉

制府丁公飭新縣志以資採擇禮聘刑部江蘇司郎中教金甫先生而以筆削之責寄焉先生際累朝閱閱之盛負一代著作之才洞達百家精於史例為閭邑之文宗為士民所景仰且有合於周官鄉大夫掌邦國之志獻賢能之書之義復得乾初廣文網羅散失相與商榷

體例增益所未備修而明之傳世久遠則藉先生之實學實心持之至文字之役如宋景文所謂事增於前而文減於昔者先生誠無愧矣夫豈尠見遯聞如杰所能贊末議哉九年春正月余權篆斯邑得與聞於修志其發凡起例少芻蕘之獻而述作之備搜採之勤可專美

乎哉秋七月先生以主涇南講席致書索序於余余不文重以先生命而不能已於言也夫蘭臺志漢仍向歆之舊然秦火之後非此志不彰隋書合五代以成志于志甯實司其役匪特為宋齊兩書補其缺且以訂范曄以上不著經籍之非史家自宋志藝文以後遼金以來

公私著撰皆渙散而無紀今先生補藝文之畧亦猶班固不為馮高立傳而續史記則志於藝文餘史類然僂指不勝經先生釐而正之闡幽之意厚矣誠信史也夫豈若於篇目存佚更思恢張并取前書而附益之如秦延君之注堯典也哉亟予開雕以傳久遠而為一邑所

徵信若夫措施之難與謀畫之委曲周

詳則又非履其事者不能深悉也輯志

既訖例有弁言遂誌顛末以紀歲月

時光緒十年甲申仲春上浣同知街直

隸州用署重慶榮昌縣事候補知縣長

山袁 杰夢川氏序



增修榮昌縣志序

余歸來鄉井讀禮餘閒日誅諸子弟從游者其願筆耕

墨耘精力衰耗時

大府丁公搜討文獻檄諸州縣各新其志以達於上

施秀峯明府攝官吾縣以其事屬 謝乾初廣文而

命予總其成且日期迫景促以官緝之不繼於供公等

補廢彌闕而已余維縣志之日趨於敝也久矣任斯役

者獎約有三一則體例未諧上而廿四史次則漢郡國

志暨唐宋以來州邑志與夫武功朝邑諸書未嘗寓目

時藝帖括濡染日深猝令綴言輯事不知何道之從此

一獎也一則稽核未精山川道里東西互易科名仕宦

庚甲多訛人物則冒濫堪虞言行則傳聞失實此一獎

也一則入古未深方言里語舛鄙無文公牘史章苑雜


駭聽此又一獎也加以徇物情而不敢忤揣量當事之

意旨而不敢貳襲訛沿謬踵陋因簡而志乃不可爲矣
此書之作不知於以上三樊澡雪淨盡否然 明府拳
拳無已之心與 廣文纂輯之勤其功不可沒也因書
此以告後之人

時光緒九年癸未仲秋中浣

場進士出身刑部江蘇司郎中前翰林院庶吉士邑人敖册

賢金甫氏序



榮昌縣志

卷之一

序

七

重修榮昌縣志序

邑之有志體古列國之有史爲後

者考古證今凡因革損益皆於志

是賴真西山所以云爲此邦來者

而多考此書也榮昌雖非割區

而將隄州隄邑大邑永川安岳內

榮昌縣志

卷之一

序

一

江接壤又休駒使往來要衝下車

日不做朱子知南席軍餉郡志之

意亟取邑志親之烏能得全端

緒余於同治二年奉檄宰是邑

適值浩匪滋擾之何周知志業

存命於鄉里藏書之家徧切之

得華書抄本一冊閱之仙原
 縣中前令史吳新創修乾隆
 中前令許天元基續修雖不
 甚詳核而體裁粗具自乾隆五
 十一年後歷嘉慶道光咸豐
 以迄於今空閒恒時缺員因事
 制宜者分多籍而稽詢諸父老
 已不能詳乃乞乞傳而及今重
 輯微論未纂者終於闕略豈
 前此史許之乞乞先以纂為一
 邑掌故者依前日所散佚而不
 可復得故難有乞乞史才何所憑

觴耶茲幸霽宇肅清年霽
 成土戎樂業以猗日祥爰與儒
 學謝天乾和進伸春而謀續修
 之今日以風辰也特呈聘榮縣
 庶常朱崇彥天纂修本邑副
 榜南望教天協修左伸或司校
 刊或司採訪或曰編輯余與謝廣
 文兩人披閱而核擇之五石通志府
 志隆昌富順大邑志志彥至志訂
 將舊志雜者汰之誤者正之
 缺者補之新者增之自甲子九
 月中旬至乙丑四月下旬而書成

國家之深仁存澤山川之毓秀鍾靈

士棊之富貴聯綿善之之子孫

榮昌縣志

卷之一 序

四

萬達以及忠孝所義之姓名彰

炳流芳古代修可於志一微之閱

者思已往屬將來感

聖朝休養之恩應

感古昌隆之運行見人文蔚起賢哲

踵真併後之操風去流遠而忠

去而不倦與居榮施矣豈特

位今傳後而必以陳承祚失之

祿常道將失之蹟已載

若同治四年乙丑仲夏月朔同

知銜亦重安府榮昌縣事臨

海文康為王氏序

榮昌縣志

卷之一 序

五



重修榮昌縣志序

自古邑志與國史並傳體雖各異其足以信今傳後資觀感而寓勸懲則一也故唐宋以來有圖經元和郡國志太平寰宇記諸書歷代重之自元始有統志通志郡志下逮一州一縣無不志焉榮昌縣治建於前明洪武

榮昌縣志

卷之一 序

六

四年境隸渝州夙稱衝要爲里二十有七計賦二萬有餘三百年中科甲蟬聯人文蔚起其先後列臺垣晉卿秩上任封疆下司牧令者率皆節義嶙峋功業彪炳代不絕書溯自獻賊慘屠之後人煙斷絕幾三十年至

國朝康熙乙丑邑侯史君彰欽遵

諭旨纂修縣志然網羅舊籍概消滅於賸水

殘山參考遺文悉沈淪於金戈鐵馬卽有一二父老追述舊聞及細叩其詳終屬虛而鮮據因摘錄郡志彙集成編僅存什一於千百間乾隆丙寅邑侯許君元基續加纂輯卷帙雖畧而規制賴存屈今近百餘年其間忠

榮昌縣志

卷之一 序

七

孝節義文物典章又復湮沒不少若不踵而修之無以信今傳後資觀感而寓勸懲守土之咎亦司鐸之責也元於咸豐丁巳承乏斯席披覽舊乘率多簡略閒與諸生密加採訪一有所獲即秉筆記之適己未秋滇賊寇川縣境疊遭蹂躪圖書文籍半罹兵

發一時官紳士民婦女等捐軀殞命者尤更僕難數凡此大節光昭詎容久而湮沒癸亥冬邑侯文君晉三下車伊始慨然以修志爲己任因於次年春會商於元集紳糧籌議聘前庶常廖君東崖秉筆特書本邑副元教君蘭蓀協纂並遴選各里紳士分司

榮昌縣志

卷之一 序

八

校勘編次採訪議刊督梓諸任元雖不敏未敢辭勞謹將先年所記及今採訪來者詳加訂正每成一帙文君必親手披閱裁定總期無濫無遺肇役於甲子秋九月訖乙丑四月而稿成計卷二十有二爲目四十有八其詞約而賅其義嚴而密邑乘也而幾

於信史矣予維茲邑文獻自唐宋迄今千數百年燦然大備毋乃山川之秀靈昔賢之精爽默爲佑啟歟自茲以往邑人士披簡興懷撫今追昔莫不觀感奮興詠德蹈仁仰體

聖天子觀風問俗之至意同文同軌之休風則斯志之修侯之大有造於茲邑

榮昌縣志

卷之一

序

九

者豈淺鮮哉因濫竽是役謹掇顛末於此

時同治四年歲次乙丑仲夏中浣同知銜榮昌縣教諭候選知縣漢嘉謝金元乾初氏序



重修榮昌縣志序

自古聖人制作謂之經傳師所說則謂之傳此左邱明子夏於春秋禮經作傳是也漢司馬遷改春秋記事之體爲本紀世家表志因有志體志之爲字从士从心三代初理官則謂之爲士人不自外其心廣雅云志記也按志訓誌則記誌之義存焉漢唐以來正史外史代有誌記彙集書繁散軼頗多我

朝纂修刪定詳畧協中褒議悉當眞上繼麟經之法下爲龜鑑之資者矣至於州郡縣邑皆有志乘雖治亂相

榮昌縣志

卷之一 序

循見聞互異而審其是非辨其疑似要宜據事直書無慮直道難行吾夫子曰董狐古之良史書法不隱洵足尚哉昌元自宋明以來衣冠濟美節義相高而闖賊一炬靡有孑遺

國初諸賢徒聞太息城門六閉時防虞吏之災都市三言終懼山君之暴官民草草人物寥寥百務未遑奚存信史康熙乾隆間邑侯史許二君前後修輯皆畧而未詳闕而不備在忠臣孝子義夫節婦偉烈足以匡時而未克馨香俎豆精誠足以貫日而率皆零落近

墟咸豐乙卯六合慎鷺坡先生來令是邦將有修輯

之舉旋以捧檄他適其事遂寢今又十年余自海南

歸里值文晉三司馬臨蒞斯土勸學興賢採風問俗

迺於公餘之假徵求實錄之文延聘廖扶九太史謝

乾初司鐸考文徵獻彙集纂修都人士朱文山甘海

雲明經諸君考訂編輯微顯闡幽訪英魂於月白風

清彼遺蹤於年湮代遠殘碑斷碣盡入搜羅鉅製鴻

章羣歸釐定允矣一朝之盛洵乎百代之光京以非

材謬與襄校竊謂操斯役者必兼才學識三長非才

榮昌縣志

卷之一 序

十一

則無由闡發非學則莫能參考非識則論斷不明而游移靡定吾以遲暮之年浪遊萬里學殖日荒況大匠在前烏可以截狗續貂乎無以請從諸先生之末顏操班管自悅新詞細檢瑤編仍遊舊府乎看川月唐都之景物可知坐望川原裴秀之輿圖在即爲辨辟寒之寶淘之汰之欲成特達之珍載雕載琢志創始於甲子季秋落成於乙丑季夏信今傳後旋看永壽棗梨比事屬辭絕少浮華枝蔓惟我文公渤海奇英益州循吏操刀製錦播魯邑之絃聲解劍分符察

豐城之寶氣而又本一心之經緯紀事纂言振百世
之綱維揚清激濁詞霏珠玉巧隨哲匠之心字挾風
霜隱懾奸雄之膽斟酌悉歸於盡善權衡一秉以至
公廣文謝君宣城世胄洩水名宗駭飛兔於文壇擬
游龍於翰海青衿志喜咸沾時雨之膏絳帳才多並
入春風之坐奉先聖而儀修北面師前賢而教洽西
河豈惟思入璣衡逞揚雄之博識固已筆掃山岳跋
班固之淵涵若太史者品冠羣仙名超千佛金蓮炬
撒譽馳閭苑之先玉荀班聯身列蓬萊之峻芸館擅

榮昌縣志

卷之一

序

主

生花之譽彩煥龍文蘭臺承珥筆之

恩榮敷鳳藻霓裳高唱早稱洛陽之才雲錦齊張遂歷長
安之道豈止貞淫美刺企王風國詠於當年可知筆
削諷揚亦狐史馬遷之遺意書成彙集各體分爲八
冊命予爲序途役畧抒管見勉進卮言庶禮樂文章
悉光昭於冊府忠孝廉節不湮沒於窮廬云爾
同治乙丑季夏上浣甲子科帶補辛酉科副榜孝廉
方正邑人敖京友譔



創修榮昌縣志序

康熙二十六年

邑令史

彭直隸人

修誌守令事也舊誌幸存邑多名彥舉而修之易事
爾以語於榮則纂而非修甚難矣蓋榮昔稱劇邑額
賦至二萬餘金石坊題名皆顯宦城市喧囂之況者
老猶能詳述焉自獻賊慘屠旬餘絕煙火三十載至
康熙六年始開縣又以路衝差繁民寡土荒未十載
復成榛莽余於壬戌八月履任見東門內外竹樹蒼
蔽行人手外枝幹足涉淖泥僂僂而過者殆二三里
南郭一里許水積成渠城內頽房六七所衙舍雖存
上瀦下淤蒹葭琅生如林日暮聲振以驚虎鹿者聲
至曉未息聞見所及罔不悽愴若賦額四兩餘書快
止五六人更不堪問矣余迴率家人各役間溝洫水
伐樹通路捐馬招民以供站行旅方樂坦途而旋奉
署家長壽甫歸又遣採木撫州曾未數月甯處迫乙
丑之夏余兼攝永璧二縣奉

榮昌縣志

卷之一

序

目購藏書以修縣志因召士民而詢之咸曰兵燹之餘卽衣

物亦鮮存矣誰復藏典籍更召耆老以名人勝蹟
又曰年幼卽逃避遠地都不復記憶余時領榮大承

壁四邑皆接壤荒區人與書茫無可據而府檄頻催不容少緩其時不綦難乎幸前奉令繪輿圖郡伯出府誌查核余請摘錄一冊以備稽考然人物藝文皆未載因令在城諸生查錄

學宮題名碑其寺廟碑碣無間完缺令附近者分錄以呈若職官則命者民按年記錄以備參考至則投之笥中公餘卽檢閱稿易數次時近兩月始成書雖藝文未克詳載而規模亦云備矣昨歲排解西保爭訟旅中暇時復將榮足一志刪訂成集因思一邑之勝地

榮昌縣志

卷之一 序

二

名賢其可傳述者代不數事世不數人皆千百年川嶽清英之氣所宜露也亂後僅數十年老成尙在卽不能盡識更一二傳不其泯滅無聞乎今幸輯成使不付剗削以廣其傳又慮後之復致散失也故余不憚窮囊措資錢版以爲久遠計俾與所建

大成殿黼樓及招徠民數增報糧田冊共垂不朽則斯縣之規制猶存余六年之職守庶無遺詎矣惟慮後之人不知纂輯之勞瘁反譏篇帙之闕畧故慙敘其事以弁於首若夫昌明風化以復舊觀博採遺文以合

舊誌則又待後之賢令云

榮昌縣志

卷之一

序

三

創修榮昌縣志序

康熙二十六年

鄂州喻豐年

邑人

天子御極之二十四年爲史夫子蒞任之四年其時

朝廷清肅禮樂休明川嶽効靈要荒來享

上諭纂修天下誌書以昭太平盛事嗟乎爲誌於蜀難矣爲

誌於昌元不更難哉昌元數十年來疊罹兵燹朱門

第宅舊燕不飛白屋人家新鳥誰止兒童生長於亂

後原隰改換於劫前僅有賸水殘山指爲流風遺韻

當年舊誌盡燬於金戈鐵馬之餘卽有一二老成亦

不過效宮嬪說開元天寶事耳於越史夫子以簪組

榮昌縣志

卷之一

序

四

名家學富二酉探奇嗜古窮及幽遐數載治兩邑撫

宇心勞猶情深曩蹟遇斷石殘碑西題不倦逢茂林

嘉樹入浦忘歸耳目所經悉成掌故迨修誌之

命下而一切取之裕如矣凡夫山川之壯麗風俗之醇漓土

物之靈奇生齒之多寡至於歷朝慷慨文章之士疇

其節義嶙峋疇其功業炳耀疇其白鳳口吐疇其丹

篆夢吞若乃屹屹琳宮僊客游於何地巍巍梵宇聖

僧來自何年名媛烈女之堪傳逸民隱士之當錄出

其間見輯爲一書燦若列眉瞭如指掌筆削所至游

夏何容贊一辭哉噫此書廢缺者數十年而成於一

日成於一人所謂松竹無言藉消音而結響雲林寡

色資彩筆以揚輝物實相需事誠有待矣豐年從夫

子者六年知其蒐採之難而樂其書之付梨棗也不

慚謏劣謬弁一言以見夫子之大有造於昌元者蓋

不止惠政之在今日云

榮昌縣志

卷之一

序

五

續修榮昌縣志序

乾隆十一年

邑令

許元基

江蘇武進人

周禮春官小史掌邦國之志志之所由來尚矣邑雖小而山川人物土宇版章備焉非志無以信今而傳後且非志則大而一統志通志諸書無以會萃而集其成然則方輿之內志豈可一邑而缺而一邑之志又豈可數十年而不修乎蜀自獻賊慘屠之後靡有孑遺故家遺籍蕩為灰燼一二逃竄復業之人以兒童生長兵間問其軼事茫然不知然則何所據以成其志哉余自雍正七年揀選入蜀歷任蒲江大邑大榮昌縣志

卷之一 序

六

竹大足南川與今榮昌凡六邑在在皆然而榮邑獨賴前令史君彰刊有志書幸存什一於千百元基自乾隆五年蒞任即畱心訪問足跡所至搜閱殘碑斷碣已稍稍補前人之所未備矣乙丑仲夏奉大中丞紀公檄飭文云川省自明末兵燹之後州縣志書每多殘缺幸值

聖朝深仁厚澤休養涵濡久享

昇平之福載籍悉皆明備若不乘時纂輯殊非整頓地方之道果能旁搜博採自可件繫條分積累既多裒

然成集非守土者之責歟

元基奉

命之下踴躍鼓舞適合愚衷於是不揣固陋將前令已成之書並篋中所積之赫驍公餘少暇即加編纂猶恐尚有缺遺廣詢博訪跋履山川事必稽其真數必核其確凡稍涉疑似者不敢登也又期月而始克成焉第為時既久卷帙無多文獻不足怦怦予懷後之覽者不猶今之視昔耶是為序

榮昌縣志

卷之一

序

七

榮昌縣志

增修姓氏

總纂

同知銜署榮昌縣事候補知縣

施學煌 浙江會稽人

同知銜署榮昌縣事候補知縣

鳴謙 正藍旗滿州人

同知銜直隸州用署榮昌縣事候補知縣

袁杰 山東長山人

同知直隸州用署榮昌縣事候補知縣

王德溥 浙江山陰人

監修

同知銜直隸州用候選知縣榮昌縣教諭

謝金元 嘉定府樂山人

榮昌縣志

卷之一

姓氏

纂修

刑部江蘇司郎中知府用前翰林院庶吉士

敖冊賢 邑人

協理

補用都司榮昌汛把總

王壽 成都人

布理問銜榮昌縣典史

鮑昌勳 順天昌平州人

校刊

丙子科舉人

王政 邑人

壬午科舉人

羅雲 邑人

恩貢生候選直隸州判

李樹楨 邑人

榮昌縣志

重修姓氏 同治四年

總纂

同知銜重慶府榮昌縣知縣

文康 漢軍紅旗人

監修

同知銜榮昌縣教諭候選知縣

謝金元 嘉定府樂山人

纂修

陝西候補同知前翰林院庶吉士

廖朝翼 嘉定府榮縣人

榮昌縣志

卷之一

姓氏

協理

署榮昌汛把總

邱仕彪 重慶府璧山人

署榮昌縣典史

馬錫 浙江錢塘人

協修

孝廉方正辛酉甲子科副元

敖京友 邑人

校刊

候選訓導

朱炳章 邑人

候選訓導

甘雨覃 邑人